

**Tusarniaanermi akissutit pillugit ilisimatitsissut****Timersorneq timigissarnerlu pillugit Inatsisartut inatsisissaattut siunnersuummut oqaaseqaatit**

<b>Nr.</b>	<b>Tusarniaaffigisaq</b>	<b>Oqaaseqaatit</b>	<b>Oqaaseqaatinut oqaaseqaat</b>
1	Ilaqutariinnermut, Naligiissitaanermut Isumaginninner- mullu Naalackersuisoqar- fik	Siunnersuummut oqaaseqaateqanngilaq	Siunnersuummut allannguuteqartitsinngilaq
2	Ilisimatusarfik	Siunnersuummut oqaaseqaateqanngilaq	Siunnersuummut allannguuteqartitsinngilaq
3	Kalaallit Nunaanni Ilinniagartuut Kattuffiat (ASG)	Siunnersuummut oqaaseqaateqanngilaq	Siunnersuummut allannguuteqartitsinngilaq
4	Kalaallit Nunaanni Sulisitsisut (GA)	Siunnersuummut oqaaseqaateqanngilaq	Siunnersuummut allannguuteqartitsinngilaq
5	IMAK	Siunnersuut sukumiisumik eqqarsaatigilluagaasumillu saqqummerpoq, siulersuisunillu tapersorneqarluni.  Pisortani oqartussat timersornermi kattuffiit suleqatigalugit timersornerup timigissarnerullu inuiaqatigiinni immikkoortuni tamani tapersorneqarnera akisussaaffigineqarnera pillugu Naalackersuisut isumaqarnerat pillugu nalinginnaasumik oqaaseqaatini allassimasunut tapersersuipput, tassunga ilanngullugit atualersussani aamma meeqqat atuarfianni.  Malugeqquneqarpoq aalaneq ilikkarniarnermut pingaaruteqarluinnartuusoq. Maannakutut pisoqartillugu timersorneq timigissarnerlu meeqqat atuarfianni pingaartinneqanngilaq, taamaattumik IMAK-imit takuneqarusulluni meeqqat atuarfiat pillugu inatsisartut	Siunnersuummut allannguuteqartitsinngilaq

		<p>inatsisaata siunissami nutarterneqarnerani tamanna Naalackersuisunit malitseqartinneqassasoq.</p> <p>Nakorsaatit Pissasaatitut Atorneqartarnerinut Kalaallit Nunaanni Akiuisut pillugit maleruagassat aamma siulersuisunit tikilluaqquneqarput.</p>	
6	SIK	<p>SIK isumaqarpoq tamanna suliniut pitsaalluinnartoq immikkullu pitsaalluinnarluni siunnersuummi inunnt immikkut pisariaqartitsisunut siunnerfeqartumik suliniuteqarmat aamma suliniuteqarmat timersorneq timigissarnerlu pillugu ataatsimoorluni peqataanissamut aningaasatigut aporfinnik annikillisaasunik.</p>	<p>Siunnersuummut allannguuteqartitsinnigilaq</p>
7.1	Meeqqat Illersuisuat MIO	<p>Meeqqanik innarliisimannginnermik uppersaammik pissarsinissaq pillugu § 3, imm. 2 pillugu: Immikkoortup taassuma inatsimmi ikkunneqarnera atuarlugu nuannerpoq. Malugeqqussavarali meeqqat 15-18-inik ukiullit, meeqqanik innarliisimannginnermik uppersaammik illersorneqanngimmata. Taamatut ukiulinnik meeqqanik illersuinissamut naleqqiullugu qanoq iliornissamut piareersaasoqarnissaanik qanoq eqqarsartoqarpa. Meeqqat Pisinnaatitaaffii pillugit NP isumaqatigiissutaanni immikkoortoq 1-imi allassimavoq meeraq tassaasoq kinaluunniit 18-it inorlugit ukioqartuusoq.</p>	<p>Tamanna siunnersuummi erseqqissaasoqarnissaanik pissutissaqartitsivoq § 3, imm. 2 timersornerup timigissarnerullu ernumannigitsumik isumannaatsumillu toqqammaveqartumik ingerlanneqarsinnaanera qulakkeerneqarnissaanut naleqqiullugu minnerpaamik illersuinertut isigineqassasoq.</p> <p>Timersornermi kattuffiit, timersoqatigiiffiit aamma timersornermi klubbit il.il. § 3, imm. 1 naapertorlugu nalinginnaasumik pisussaapput timersornerup timigissarnerullu ernumannigitsumik isumannaatsumillu toqqammaveqartumik ingerlanneqarsinnaanera isumagissallugu. Soorlu nassuiaatini allanneqartoq oqaasertaliussaqq isumaqarpoq</p>

			”pisussaaffilerneqarsimasut” pisussaaffigisap naammassineqarnissaa naammassiniarlugu iliuuseqarnissartik isumagissagaat.
7.2	Meeqqat Illersuisuat MIO	Timersorneq timigissarnerlu nunami tamarmi kikkunnut tamanut ammanera pillugu § 8- mut tunngatillugu: nuannerpoq tassunga atatillugu immikkut pisariaqartitsisunut siunnerfeqartumik suliniutit tapersorsornerisigut aamma peqataanissamut aningaasaqarnikkut aporfiusut annikillisinneqarnissaannut suliniuteqarnikkut. Nalunngilarput Kalaallit Nunaanni meeqqanut inuusuttunullu periarfissat assigiinngitsorujussuusut, pingaartumik meeqqat inuusuttullu immikkut pisariaqartitsisut pisinnaanermikkullu akornuteqartut timersornerni timigissarlunilu ingerlatani peqataanissaminnut killeqartorujussuarmik periarfissaqartut.	Siunnersuummut allannguuteqartitsinngilaq
7.3	Meeqqat Illersuisuat (MIO)	Nakorsaatit Pissassaatit Atorneqartarnerinut Kalaallit Nunaanni Akiuisut pillugit § 21: Neriuppunga timersornerni timigissarnermilu peqataasunut meeqqaanut inuusuttunullu nakorsaatit pissassaatit atorneqartarnerinut akiuineq pillugu qaammarsaalluni suliniutip ilaa sammitinneqarnissaa eqqarsaatigineqartoq, tassunga ilannullugu meeqqat inuusuttullu nakorsaatit pissassaatit atorneqartarnerinik	Siunnersuummut allannguuteqartitsinngilaq  Pissusissamisoorluinnartut naatsorsuutigineqarpoq pitsaaliuinerup ilaa annertoq meeqqanut inuusuttunullu sammitinneqassasoq.  Angajoqqaat akuersitinnerinut il. il. taaneqartumut tunngatillugu pissuseq tamanna nakorsaatit pissassaatit atorneqartarnerisa pitsaaliorneri akiornrilu pillugit nuna tamakkerlugu maleruagassani pissusissamisoortumik

		<p>nakkutilliinermi ilanngutitinneqarpata qanoq piareersaasimanissaq eqqarsaatigineqarluni (assersuutigalugu angajoqqaat akuersitinnerisigut) aamma nakorsaatit pissassaatitut atornerqarneri pillugit maleruagassanik meeqqat inuusuttullu unioqquitsinerini (pinerluttuliornermi ukiut appasinnerpaat aamma iliuuseqarnissamut pilersaarutit).</p>	<p>inissinneqassapput, Nakorsaatit Pissassaatitut Atorneqartarnerinut Kalaallit Nunaanni Akiuisut § 21, imm. 2, nr. 5 malillugu aalajangersagassaat</p>
7.4	<p>Meeqqat Illersuisuat (MIO)</p>	<p>Siunnersuummi nassuiaatinut. Aallarniut 1.1: Timersornerup timigissarnerullu tapersorsorneranni iluaqutit allaaserineqartut tapersorsorneqarput ilanngukkusullugulu meeqqat inuusuttullu inuunerannut peqqissutsikkut iluaqutaasinnaasut. Meeqqat inuusuttullu ilikkagaqarsinnaanerit inuunermilu atugaat pitsaanerulissapput, aamma timersorneq kiisalu timigissarneq attuumassuteqarnerit inuuniarnermilu pissutsit pitsaanerulernerannut iluaqutaassallutik. Meeqqat inuusuttullu pingaartitaat, qajannaassuseq ingerlalluarnerlu immikkoortup taassuma isiginiarneqarneratigut kivinneeqarsinnaassapput. Tamanna pitsaalluinnarpoq. Meeqqap timikkut, tarnikkut anersaakkullu, ileqqorissaarnikkut inuuniarnikkullu ineriartornissaanut pisariaqarpoq meeqqat inuusuttullu peqqinnissakkut inuuniarnikkullu</p>	<p>Siunnersuummut allannguuteqartitsinngilaq</p>

		pitsaanerpaamik atugarsinnaatitaanertik anguppasuk (Meeqqat pisinnaatitaaffii pillugit NP isumaqatigiissutaat immikkoortoq 24 aamma 27).	
7.5	Meeqqat Illersuisuat (MIO)	Siunnersuummut nassuiaatinut Immikkoortoq 2a inatsisit atuuttut pillugit: Pingaarpoq eqqaassallugu Meeqqat Pisinnaatitaaffii pillugit NP isumaqatigiissutaannut Kalaallit Nunaat akuersinikummat tassaniulu immikkoortoq 33-mi allaaserineqarluni meeqqat inuusuttullu ikiaroorartunik aangajaarniutinillu akuerisaanngitsumik atuinerannut illersorneqassasut.	Oqaaseqaatit pissutigalugu siunnersuutigineqartoq siunnersuummi nassuiaammut ilanngunneqarpoq.
7.6	Meeqqat Illersuisuat (MIO)	Siunnersuummi nassuiaatinut. Immikkoortoq 2 b-mi timersornerup timigissarnerullu nunami tamarmi sammineqarsinnaanera pillugu: sinnersuummi allassimavoq kikkunnit tamanit ingerlanneqarsinnaanerat qulakkiiniarnermi maleruagassat pissutigalugit kikkut tamarmik timersornermik timigissarnermillu ingerlataqarsinnaassasut, sumi najugaqarneq imaluunniit timikkut imaluunniit inuuniarnikkut qanoq tunuliaquteqarneq apeqqutaatinnagu. Isumaqarpunga tamanna ajunngilluinnartoq, kisiannili suliniutit suut eqqarsaatigineqarnerannik assersuutissat amigaatigineqartut. Tamanna pingaartumik aningaasaqarnikkut allaffissornikkullu kingunissat pillugit immikkoortup 3-p nanginnerani, tassani	Siunnersuummut allannguuteqartitsinngilaq.  Siunnersuummi §§ 7-8-mut aalajangersakkanut nassuiaatinit nassuiaatigineqarpoq pisortani oqartussat timersornermi kattuffiit suleqatigalugit immikkoortumi politikkit oqaasertalersornerisigut tamanna piviusunngortinneqassasoq aamma suliniutit aalajangersimasut pingaarnersiornerisigut.  Aammattaaq assersuutit taaneqarput soorlu tapiissuteqartarnerit aamma akeqanngitsumik inissaqartitsisarnerit.

		<p>allaaserineqarluni kikkunnit tamanit  ingerlanneqarsinnaanera aallaaviatigut aningaasanik amerlanernik ilasinermik kinguneqassanngitsoq, kisianni aningaasaareersut iluanni (nutaamik) pingaarnersiuisoqassasoq.</p>	
7.7	Meeqqat Illersuisuat (MIO)	<p>Meeqqat Illersuisuata kingunissanu naatsorsuinerit assignnngitsut pisariaqartutut isigivai, peqatigisaanilli isumaqarluni immikkoortoq alla ”Meeqqanut inuusuttunullu kingunissat” ilannguneqartariaqartoq. Kalaallit Nunaat Meeqqat Pisinnaatitaaffii pillugit NP isumaqatigiissutaannut akuersinikuuvoq taamaalillunilu qulakkiissallugu meeqqanut inussuttunullu tunngasut pisortani namminersortuniluunniit ingerlanneqartut aaqqiinerni taakku pisariaqartitaat salliutinneqassasut. Isumassarsiffissatut nunani avannarlerni nunani arlalinni ”Meeqqanut kingunissat pillugit naatsorsuinerit” atorneqartarput.</p>	<p>Siunnersuummut allannguuteqartitsinngilaq</p> <p>Siunnersuummi nassuiaatit tamanna pillugu inatsisiliornermi najoqqutassat naapertorlugit suliarineqarput. Oqaaseqaat siunnersuutip inatsisiliornerup misissorneranut atatillugu Naalakkersuisut Siulittaasuata Naalakkersuisoqarfiani Inatsisileriffimmut ingerlateqqinneqarpoq.</p> <p>Tamanna pillugu Inatsisileriffimmit oqaatigineqarpoq meeqqanut inuusuttunullu kingunissat immikkoortumi ”Innuttaasunut kingunissani” ilaatinneqareersut taamaattumillu Inatsisileriffiup MIO-p immikkoortumik nutaamik kissaateqarnera akuerisinnaanagu.</p>
7.8	Meeqqat Illersuisuat (MIO)	<p>Inatsisissatut siunnersuummi allassimavoq inatsisartut inatsisaat imatut allassimassanngila inatsisartut inatsisaat oqaatsimi siullermi naqinneq angisuujulluni.</p>	<p>Siunnersuummut allannguuteqartitsinngilaq, ”inatsisartut inatsisaat” tassaavoq taggit, nalinginnaasumik allattaaseq malillugu naqinneq siulleq angisuujusussaanani.</p>
7.9	Meeqqat Illersuisuat (MIO)	<p>Malugeqquneqarpoq MIO-p pilersinneqarnerata kingorna MIPI atuukkunnaarmat taamaattumillu siunissami tusarniaaffigineqartussat allattorsimaffiannit peerneqartariaqarluni.</p>	<p>Siunnersuummut allannguuteqartitsinngilaq</p> <p>MIPI siunissami tusarniaaffigineqartussat allattorsimaffiannit peerneqarpoq.</p>

8.1	KANUKOKA	KANUKOKA-mit inatsimmik piareersaasimaneq nersualaarneqarpoq, tassunga ilanngullugu peqataasut siusissukkut peqataatinneri aamma timersorneq timigissarnerlu pillugu inatsisissaq pillugu isumasioqatigiinnermi peqataatinneri.	Siunnersuummut allannguuteqartitsinngilaq
8.2	KANUKOKA	Timersornermut timigissarnermullu tunngasut immikkut inatsimmut avissaartinneqarnerat tulluurtuusoq naalackersuisoqarfimmut KANUKOKA isumaqataavoq, ilaatigut immikkoortup inuiaqatigiinnut pingaaruteqarnera erseqqissarniarlugu, aamma immikkoortumi inatsisit kultureqarnermut sunngiffimmilu tunngasut iluanni immikkoortunut allanut akuliunneqassanngimmat.	Siunnersuummut allannguuteqartitsinngilaq
8.3	KANUKOKA	Inatsisissatut siunnersuummut nassuiaatini piginnaasatigut akisussaaffiup erseqqissarneqarnera tulluurtuusoq KANUKOKA isumaqarpoq, taamaalilluni timersornermut timigissarnermullu tunngasuni Namminersorlutik Oqartussat kommunillu sutigut akisussaanagerat erseqqinnerulerluni. Tassani ilaatigut akisussaaffik pingaarnertigut allaaserineqaannarnani, piviusumilli atorneqarsinnaalluni, assersuutigalugu kommunit ilisimallugu sutigut akisussaaffeqarnerlutik. Piginnaasatigut akisussaaffik pisariaqartumik erseqqissarneqarsimanngippat tamanna isumaqatigiissutinut	KANUKOKAp tusarniaanermi akissutaata malitsigisaanik timersorfinnik sanaartornermut, iluarsaassinermut aqqissuussinermullu tapiissutit pillugit maleruagassani erseqqissaasoqarpoq.  Siunnersuummi aalajangersakkanut ataasiakkaanut nassuiaatini Naalackersuisut aamma kommunalbestyrelsit sunut akisussaanagerut nassuiarneqarpoq.

		tunngasunut sunniteqarsinnaassaaq, tassunga ilanngullugit immikkoortup iluani atorfeqartut qanoq atugaqassanersut, assersuutigalugu sunngiffimmi nakkutilliisut.	
8.4	KANUKOKA	Siunnersuummi § 8 aamma § 9-p tunuanni siunniussat tapersorneqarput, pingaaruteqarlunili tamanna piviusumik qanoq pissanersoq, tassanilu inatsisissatut siunnersuut tassungalu atasut nassuiaatit tamanna piviusumik qanoq pissanersoq erseqqissarnagu.	<p>Siunnersuummut allannguuteqartitsinngilaq</p> <p>Timersornermi kattuffiit suleqatigalugit Naalakkersuisut aamma kommunalbestyrelsi aalajangertussaapput timersorneq timigissarnerlu nunami tamarmik kikkunnit tamanit qanoq ingerlanneqarsinnaalissanersoq. Taamaattumik tulluassanngilaq tamanna qanoq pissanersoq allanneqassapat, tamatumali qanoq pisinnaanerani taamaallaat assersuusiortoqarsinnaalluni.</p> <p>§ 8-mut nassuiaatini allanneqarpoq ingerlanneqarsinnaanera qanoq paasineqassanersoq, aamma inuit immikkut pisariaqartitsisut kikkusinnaanersut. Aammattaaq allanneqarpoq peqataanermi aningaasatigut aporfiusinnaasut annikinerulersinnissaannut suut suliniutaasinnaanersut.</p> <p>Kiisalu allanneqarluni aalajangersakkami inunnut taaneqartunut naleqqiullugu ”isiginninneq pingaarnersiunerlu” qanoq paasineqassanersut.</p> <p>Taamaaqataanik § 9-mut tunngatillugu allanneqarluni ”kajumissarineq, tapersersuineq pitsaasunillu toqqammavinnik pilersitsineq” qanoq paasineqassanersut allanneqarluni.</p>
8.5	KANUKOKA	KANUKOKA allappoq naatsorsuutigisamut akerliusunik inatsisissatut	Siunnersuummut allannguuteqartitsinngilaq



		<p>siunnersuutip akuerineqarnera pissutigalugu kommunit immikkut aningaasartuuteqalissasut paasineqarpat, KANUKOKA-mit naatsorsuutigineqarpoq taamatut aningaasartuutit qaffanneri ataatsimoortumik tapiissutit aqutigalugit kommuninut taarsiisoqarneranik kinguneqarumaartoq, Namminersorlutik Oqartussat aamma KANUKOKAp tamanna pillugut isumaqatigiissutaat naapertorlugu.</p>	
8.6	KANUKOKA	<p>§ 15, imm. 2-mut tunngatillugu KANUKOKA-mit siunnersuutigineqarpoq kommunimi illoqarfinni nunaqarfinnilu timersornikkut timigissarnikkullu neqeroorutit pillugit kommunit ukiumut pilersaarutaat sunik imaqassanersoq pillugu siunnersuummi imaluunniit nassuiaatini erseqqissaasoqassasoq, tassunga ilanngullugu illoqarfiit nunaqarfiillu ataasiakkaarlugit immikkut pilersaarummik pilersaarut imaqassanersoq, aamma pilersaarut qanoq tamanut saqqummiunneqarnissaa eqqarsaatigineqarnersoq.</p> <p>Aammattaaq eqqarsaatigineqarsinnaavoq § 10, imm. 1-imut tunngatillugu ukiumut nuna tamakkerlugu pilersaarusiornissaq pillugu taamaaqataanik Namminersorlutik Oqartussanut piunnaasaqateqarsinnaanersoq, timersornermi timigissarnermilu neqeroorutitik assigiinngitsunik innuttaasunut tamanut</p>	<p>Aalajangersagaq § 15-imi imm. 3-mik nutaamik ikkussinissamik pissutissaqartitsivoq, taanna naapertorlugu tamanna pillugu kommunalbestyrelsinik isumasioreernikkut kommunimi illoqarfinni nunaqarfinnilu timersornikkut timigissarnikkullu neqeroorutit pillugit ukiumoortumik pilersaarutip ilusaa imarisaalu pillugit maleruagassanik Naalakkersuisut aalajangersaasinnaallutik.</p> <p>Inatsisissatut siunnersuummi pilersaarutip imarisaanik sukumiisumik malittarisassaqaartitsinissaq tulluartutut isigineqanngilaq, tamannali pillugu maleruagassanik aalajangersaanissamut tunngavimmik ikkussinissaq tulluartinneqarluni. Maleruagassat atulersinnissaat sioqqullugu kissaatit pisariaqaartitsinerillu oqimaaqatigiinnissaat qulakkeerniarlugu tamanna pillugu kommunalbestyrelsi isumasioreernerata kingora maleruagassanik aalajangersaasoqarluni.</p>

		<p>neqerooruteqarnissamut Namminersorlutik Oqartussat pingaarnertigut akisussaasut. Taamaalilluni nuna tamakkerlugu akisussaaffik erseqqissarneqarluni aamma sumiiffinni ingerlatanut kommunit pilersaarutaannut tapersersuillutik.</p>	<p>Ukiumoortumik pilersaarummik aalajangersaanissamut Naalackersuisut peqquneqarnissaat tulluartut isigineqanngilaq. Naalackersuisut tapiissutaat GIF-imut aamma ESG-mut tapiissuteqarnikkut timersornermi kattuffinnut annerusumik tapiissutigineqassapput. Ukiunut sisamanut angusassat pillugit taakku isumaqatigiissusiorfigineqassapput, tassani illuatungeriit ingerlatassanut ilimagisaat aalajangersarneqarlutik, tassunga ilanngullugu angusassatut piimasaqaatit.</p>
8.7	KANUKOKA	<p>§§ 14 aamma 17-mut tunngasut:  § 14-mut nassuiaatini iluaqutaasumik erseqqissarneqarsinnaavoq ”nuna tamakkerlugu aamma nunap immikkoortuini timersortarfinni” qanoq isumaqartoqarnersoq.</p> <p>Timersortarfinnik sanaartornermut, iluarsaassinermut aaqqissuussinermullu tapiissuteqarnissamut Namminersorlutik Oqartussat periarfissaqarnerat pillugu § 14 aamma § 17-p akornanni assigiinngissutaasoq iluaqutaasumik aamma erseqqissarneqarsinnaavoq.</p>	<p>§ 14 aamma 17-mut nassuiaatini kissaatigineqartutut erseqqissaasoqarpoq.</p>
8.8	KANUKOKA	<p>§ 16-mut tunngatillugu: Siunnersuummit takuneqarsinnaanngilaq taamatut ittunik timersortarfinnik pilersitsinermut atatillugu kommunalbestyrelsi tapiissuteqarsinnaasoq. KANUKOKAp taamaattumik kaammattuutigissavaa sumiiffinni pilersitsinermut /</p>	<p>Siunnersuutigineqartoq naapertorlugu aalajangersagaq allanngortinneqarpoq.</p>

		sanaartornernut kommunit tapiissuteqarinnaanerat aalajangersakkamut ikkunneqassasoq.	
8.9	KANUKOKA	KANUKOKAmit siunnersuutigineqarpoq nakkutilliineq pineqaatissiineq pillugu kapitalimi kommunalbestyrelsit inatsimmik ingerlatsinerannik Naalakkersuisut nakkutiliisuunerat pillugu aalajangersakkamik ikkussisoqassasoq.	Siunnersuummi § 34 siunnersuutigineqartoq naapertorlugu erseqqissaaffigineqarpoq.
8.10	KANUKOKA	Inatsisissatut siunnersuut naapertorlugu kommunalbestyrelsit pisussaaffii pillugit maleruagassanik erseqqinnerusunik Naalakkersuisut aalajangersaasinnaanerat pillugu inatsimmi aalajangersakkamik ikkussisoqassasoq KANUKOKA kaammattuuteqarpoq, tassunga ilanngullugu timersornermi timigissarnermilu neqeroorutit pillugit ukiumoortumik pilersaarusiornissamut pisussaaffik, kiisalu timersornermi timigissarnermilu neqeroorutinik neqerooruteqarnissamut pisussaaffik aamma tamanna pillugu anguniakkanik toqqammavinnillu aalajangersaanissaq.	Siunnersuummi § 16-mi timersornermut timigissarnermullu kommunalbestyrelsit tapiissuteqarnissaat pillugu maleruagassanik Naalakkersuisut aalajangersaasinnaaneranut tunngavimmik ikkussisoqarpoq. Aalajangersakkami aalajangerneqarpoq tamanna pillugu kommunalbestyrelsit isumasioreernerisigut maleruagassanik aalajangersaasoqassasoq.  Aammattaaq siunnersuummi § 15, imm. 3-mi tunngavik pillugu aalajangersakkamik ikkussisoqarpoq. Tamanna pillugu tusarniaanermi akissummut nr. 9.6-imut oqaaseqaatinut innersuussisoqarpoq.  Tamatuma saniatigut timersornermik timigissarnermillu ingerlatsisinnaaneq (§ 8, imm. 3) aamma kajumissuseq tunngavigalugu ingerlataqarsinnaaneq (§ 9, imm. 2) pillugu maleruagassanik aalajangersaanissamut tunngavinnik ikkussisoqareersimalluni.
8.11	KANUKOKA	§ 36-mut tunngatillugu: Aammattaaq tulluassaaq inatsimmi atuuttumi	Oqaaseqaat pissutigalugu atorunnaarsitsinermi ikaarsaarnermilu

		aalajangersakkat suut peqatigisaanik atorunnaarnissut allanneqarpatadende.	aalajangersakkamik nutaamik § 36, imm. 2 aamma 3-mik ikkussisoqarpoq.
9.1	Kommune Kujalleq	<p>Inatsisissatut siunnersuut ataatsimut isigalugu tapersorneqarpoq. Pissartanngorniarnit ingerlannerinut kommunit akiliuteqartarnerat pillugu assigiiarnerusunik aalajangersakkanik piumasaqarpoq.</p> <p>Kalaallit Nunaanni pissartanngunniunnerni aningaasaqarnermut tunngasuni maleruagassanik assigiiarnerusunik timersoqatigiiffiit kattuffii aalajangersaatinnissaannut Kalaallit Nunaanni Timersoqatigiit Kattuffiat pisussaaffeqassaaq, tamannalu inatsimmit takuneqartariaqarluni. Tamatumunnga tunngavilersuutigineqarpoq nunami siamasissumik nunaqartiterneq sineriaallu isorartunerujussua, taamaattumik nunatsinni timersornikkut ingerlatsinernut tapiissutit assigiiarnerusumik agguarneqartariaqarlutik Taamaalilluni inuit ataasiakkaat akiliutaat kommunillu akiliutaat assigiinnerulersillugit.</p>	<p>Siunnersuummut allannguuteqartitsinngilaq</p> <p>GIF-ip aamma timersoqatigiit kattuffiisa akornanni attuumassuteqarnerit inatsisikkut malittarisassaqaqtinnerat tulluartinneqanngilaq aamma pissartanngunniunnerit ingerlanneqarnerinut kommunit akiliutaannik malittarisassaqaqtinnissaq naammik.</p> <p>Timersornermik ingerlataqarnermut Naalakkersuisut aningaasatigut tapiissutaat timersoqatigiit kattuffiisigut pissaaq, tassunga ilanngullugu GIF-inut ukiumut tapiissutitut aningaasanut inatsimmi aalajangersaaneq aamma Elite Sport Greenlandimut ukiumoortumik tapiissuteqarnikkut.</p> <p>Siunnersuummi § 10 naapertorlugu timersornermi timigissarnermilu neqeroorutit amerlasuut innuttaasunit tamanit ingerlanneqarsinnaanerinut Naalakkersuisut pingaarnertigut akisussaapput. Tassunga atatillugu Naalakkersuisut soqutigisaraat pissartanngunniunnerni peqataanissamut periarfissaqartitsisumik aaqqissuussinernik pilersitsisoqarnissaa, sumi nunami peqataasup aggerfeqarnera apeqqutaatinnagu.</p> <p>Naalakkersuisut pisariaqartitsineq naapertorlugu pissutsit maani taaneqartut angusassat pillugit isumaqatigiissutini inississavaat,</p>

			siunnersuummi § 11, imm. 5 aamma § 12, imm. 5 malillugit GIF-imik aamma Elite Sport Greenlandimik isumaqatigiissutigineqartussat.
9.2	Kommune Kujalleq	<p>Sakkortuumik timersornerup iluani, nunanit allanit peqataaffigineqartumik nunatsinni ingerlanneqartartuni, ingerlatat pillugit siunnersuummi aalajangersakkamik Kommune Kujalleq maqaasisaqarpoq. Taamatut ingerlataqarnerni nunatta karsia aningaasaleeqataasariaqarpoq, tamannalu pillugu aalajangersagaq inatsimmi maqaasineqarluni.</p> <p>Timersuutinut sakkortuunut assersuutit tassaasinnaapput qulimiguulimmiit sisorarnerit, sermersuaq itivillu pisunnerit aamma timersuutit allat nalinginnaasuunngitsut.</p>	<p>Siunnersuummut allannguuteqartitsinngilaq</p> <p>Siunnersuummi § 2-mi timersornermi timigissarnermilu suna paasineqarnerisooq nassuiarneqarpoq. Sakkortuumik timersorneq timersornerup nassuiaataanut ilaasinnaavoq taamaalillunilu inatsimmut ilaalluni.</p> <p>Timersornerit aalajangersimasut nunatta karsianit aningaasalersorneqarnissaat pillugu maleruagassanik aalajangersaanissaq tulluassanngilaq.</p>
9.3	Kommune Kujalleq	<p>Peqqinnissaqarfiup illoqarfinni nunaqarfinnilu tamani pillorissaasunik atorfinitsitsisimannginneranut tunngatillugu Namminersorlutik Oqartussat qanoq eqqarsaateqarnerisut Kommune Kujalleq apeqqusiivoq, taamaattumik timersornerup timigissarnerullu ernumanangitsumik ingerlanneqarnissaa pillugu maleruagassat piviusunngortinnissaat ajornakusoorluni.</p>	<p>Siunnersuummut allannguuteqartitsinngilaq.</p> <p>Siunnersuummi § 3, imm. 2, nr. 3-mi aalajangersakkami aalajangerneqarpoq timersortoq timigissartorlu ajoqusersimasooq pisariaqartumik ikiorserneqarnissaa aamma katsorsartinnissaa sungiusarteqqinnissaalu siunertaralugu tapersersorneqarnissaa qulakkiissallugu.</p> <p>Aalajangersakkamut nassuiaatinit takuneqarsinnaavoq kattuffiit nammineq katsorsaanissaq sungiusarteqqinnissarlu isumagissanngikkaat, tassa suliassaq taanna peqqinnissaqarfiup isumagisussaammagu. Tamanna</p>

			pissaaq tamatumunnga qaqugukkulluunniit toqqammaviit isumalluutillu immikkoortinneqarsimasut iluanni.
9.4	Kommune Kujalleq	Kommune Kujalleq isumaqarpoq kissaatiginartoq aningaasaqarnikkut nammatassat kommunimiittut tamaasa pillugit ilisimatitsisoqassasoq.	Siunnersuummut allannguuteqartitsinngilaq  Siunnersuut pillugu nassuiaatini siunnersuummi pisortanut aningaasatigut allaffissornikkullu kingunissai nassuiarneqarput, tassunga aamma ilanngullugit kommuninut.
10	Qeqqata Kommunia	Qeqqata Kommuniata inatsisissatut siunnersuut tapersorsorpar, pingaartumik timersornerup timigissarnerullu iluanni kajumissuseq tunngavigalugu aaqqissuussinernut toqqammavinnik pitsaanerpaamik pilersitsinermut tapersersuinermullu tunngatillugu.  Kommunimi kissaatigaarput timersornermit timigissarnermillu allaanerusuni immikkoortuni allani kajumissuseq tunngavigalugu peqataaneq tapersorsorparput. Taamaattumik Namminersorlutik Oqartussat, kommunit aamma kajumissuseq tunngavigalugu peqataasartut kattuffiisa akornanni suleqatigiinnikkut nukittorsaasoqarnissaanik kissaateqarneq ajunngitsumik isigalugu.	Siunnersuummi allannguisoqarnissaanut pissutissaqanngilaq

11	Qaasuitsup Kommunia	<p>Inatsisartut inatsisaat peqqissaarussaavoq suliarilluagaalluni. Pisortani oqartussat aamma timersornermi kattuffiit, timersoqatigiiffiit il.il. akisussaaffitsigut suliassatigullu agguarnerinik erseqqissaaneq pitsaalluinnarpoq aammattaq ”Nakorsaait pissassaatigut atorneqartarnerinik akiuineq” pillugu maleruagassat tamarmik.</p> <p>Siunnersuummi § 10 aamma § 15-ip akornanni ataqatigiinneq apeqqutigineqarpoq, neqerooruterpassuit pingaartigut akisussaaffiit marluullutik sammisaqarlutik. Tamatuma nanginneratut timersornermi timigissarnermilu neqeroorutitut kina pingaarnertigut akisussaannersoq apeqqutigineqarpoq.</p>	<p>Siunnersuummut allannguuteqartitsinngilaq</p> <p>Naalakkersuisut taakkuupput siunnersuummi § 10 naapertorlugu timersornermi timigissarnermilu neqerooruterpassuit pissarsiarinissaannut, neqeroorutiginnissaannut ingerlanneqarsinnaanerinnullu innuttaasunut tamanut akisussaasut.</p> <p>Taamaaqataanik siunnersuummi § 15 naapertorlugu kommunalbestyrelsi kommunimi timersornermi timigissarnermilu neqerooruterpassuit neqeroorutiginnissaannut akisussaavoq aamma tamatumani anguniakkanik toqqammavinnillu aalajangersaasuulluni.</p>
12.1	Kalaallit Nunaanni Timersoqatigiit Kattuffiat (GIF)	<p>Oqaaseqaatit siunnersuummit aalajangersakkanut ataasiakkaanut oqaaseqaatitut nassiuineqarsimapput.</p> <p>§ 2, imm. 1-imut tunngatillugu Siunnersuutigineqarpoq ”peqqissarneq” imm. 1-imi itisilerneqassasoq, tassa taanna assigiinngitsumik nassuiarneqarsinnaammat.</p>	<p>Siunnersuummut allannguuteqartitsinngilaq</p> <p>”peqqissarneq” § 2, imm. 3-mi nassuiarneqarpoq</p>
12.2	Kalaallit Nunaanni Timersoqatigiit Kattuffiat (GIF)	<p>§ 2, imm. 4-mut tunngatillugu Allappoq ingerlataqartut arlallit akornanni unammilleqatigiinnerusoq immaq allanneqartariaqartoq, tassa imminut aamma unammillernerusinnaanngimmat.</p>	<p>Siunnersuummut allannguuteqartitsinngilaq</p> <p>Maleruagassat aalajangersimasut malillugit timersorneq pineqarnera innersuussutigalugu erseqqissaanissaq pisariaqartutut isigineqanngilaq</p>

12.3	Kalaallit Nunaanni Timersoqatigiit Kattuffiat (GIF)	§ 2, imm. 4-mut tunngatillugu Pingaarluinnartutut isigineqarpoq taaguutit Timersorneq aamam Timigissarneq pillugit inatsimmi erseqqissumik nassuiaateqarnissaa. Tamanna ajornarpat Timersorneq oqaasertaliussami atorneqartussaassaaq	Siunnersuummut allannguuteqartitsinngilaq  Taaguutit marluullutik siunnersuummi nassuiarneqarput. Timersorneq § 2, imm. 1-imi aamma timigissarneq § 2, imm. 2-mi nassuiarneqarput
12.4	Kalaallit Nunaanni Timersoqatigiit Kattuffiat (GIF)	§ 3, imm. 2, nr. 3-mut tunngatillugu GIF aperivoq aalajangersakkami aningaasaqarnermut tunngasut suunersut, tassunga ilanngullugu sillimmasiineq pineqartillugu imaluunniit peqqinnissaqarfiup timersortartunik ajoqusersimasunik tigusinissaminut piareersimanera.	Siunnersuummut allannguuteqartitsinngilaq.  Peqqinnissaqarfiup sullissinera pillugu tusarniaanermi akissummut 10.3-mut innersuussisoqarpoq.  Aalajangersagaq timersortartut sillimmasersimanissaannut pisussaaffiliinngilaq.
12.5	Kalaallit Nunaanni Timersoqatigiit Kattuffiat (GIF)	§ 3, imm. 3-mut tunngatillugu GIF allappoq timersornermi kattuffiit toqqammavigisat qulakkeernissaannut isumaginnissappata kommunit aamma Naalackersuisut aamma siunissamat qulakkeerneqarsimasunik illunik – atortunillu pisussaaffilerneqassapput.	Siunnersuummut allannguuteqartitsinngilaq.  Illut tassaasinnaapput sanaartukkat atortussallu.  Sanaartukkat eqqarsaatigalugit siunnersuummi §§ 14-17 Naalackersuisut kiisalu kommunalbestyrelsit tapiissuteqarnissamat periarfissaannik imaqarput.  Sakkut eqqarsaatigalugit timersoqatigiiffiit nammineq taakkuninnga atortunik pissarsisussaapput.
12.6	Kalaallit Nunaanni Timersoqatigiit Kattuffiat (GIF)	§ 5, imm. 3-mut tunngatillugu, GIF aperivoq aalajangersagaq isumaqarnermaq GIF-imi allattoqarfik allineqassasoq imaluunniit naalackersuisoqarfimmi allattoqarfik allineqassasoq naalackiutigineqarsinnaanersoq.	Siunnersuummut allannguuteqartitsinngilaq.  Aalajangersagaq tassaavoq timersornermi unamminernik allangortiteriniarnerup pitsaaliornissaa akiuniarnerlu pillugit maleruagassanik Naalackersuisut



			<p>aalajangersaasinnaapput, tassunga ilanngullugit timersorluni unamminernik allangortiteriniarnerup pitsaaliornissaa akiuniarnerlu pillugit ataqatigiissarinerlut allattoqarfiup inissinneqarnera pillugu.</p> <p>Maannakkut isummertoqarnikuunngilaq taamatut tunngavik allattoqarfilik pilersinneqassanersoq. Taamaattoqassappat GIF tamanna pillugu eqqarsaasersuutitut peqataarinneqarumaarpoq.</p>
12.7	Kalaallit Nunaanni Timersoqatigiit Kattuffiat (GIF)	§ 8, imm. 1-mut tunngatillugu, GIF-ip siunnersuutigaa ”peqataanissamut aningaasaqarnikkut aporfiusut annikillisinneqarnissaannut suliniuteqarnikkut” kingorna ”sungiusarnermi aamma timersornermi unammiaartitsinerni” ilanngunneqassasoq	Nassuiaatini erseqqissarneqarpoq tamanna sungiusarnermi aamma timersornermi unammiaartitsinerni pisinnaasoq.
12.8	Kalaallit Nunaanni Timersoqatigiit Kattuffiat (GIF)	§ 8, imm. 2, nr. 1-mut tunngatillugu, GIF-ip siunnersuutigaa ”meeqqat inuusuttullu” uuminnga taarserneqassasoq ”meeqqat, inuusuttut inersimasullu”	<p>Siunnersuummut allannguuteqartitsinngilaq.</p> <p>Siunnerfigineqarpoq meeqqat inuusuttullu immikkut isiginiarneqassasut, taamaattoqarunnaassallunilu inersimasut aamma ilanngunneqarpata.</p>
12.9	Kalaallit Nunaanni Timersoqatigiit Kattuffiat (GIF)	§ 15, imm. 1-mut tunngatillugu, GIF aperivoq kommunalbestyrelsi suna pillugu anguniagassanik aalajangersaassanersoq, tassunga ilanngullugu atortut pineqarnerlut. Tamatuma nanginneratut allallugu pingaartoq illoqarfinni neqeroorutaasut pisariaqartunik atortoqassasut.	<p>Siunnersuummut allannguuteqartitsinngilaq.</p> <p>Aalajangersakkamut nassuiaatinit takuneqarsinnaavoq anguniakkanik toqqammavinnillu aalajangersaanermi assersuutigalugu eqqarsaatigineqartut immikkoortumi anguniakkanik erseqqissunik kommunalbestyrelsi oqaasertaliissasoq, assersuutigalugu sumiiffimmi timersorneq pillugu politikkikkut aamma kommunip</p>

			tapiissuteqarnissamut maleruagassaliorneratigut.
12.10	Kalaallit Nunaanni Timersoqatigiit Kattuffiat (GIF)	§ 15, imm. 2-mut tunngatillugu, GIF aperivoq illoqarfinni nunaqarfinnilu timersornermi timigissarnermilu neqeroorutit pillugit pilersaarusiornermi aamma pilersaarutip tamanut saqqmminnera GIF/ESG suleqatigalugit pissasoq	Aalajangersakkamut nassuiaatinut ilanngunneqarpoq pilersaarutip piareersarnera timersornermi kattuffiit peqataatillugit pinissaa naatsorsuutigineqartoq.
12.11	Kalaallit Nunaanni Timersoqatigiit Kattuffiat (GIF)	§ 16, imm. 2-mut tunngatillugu, GIF aperivoq nunamik isiginninneq aallaavigalugu assigiimmik atugaqartoqarnissaa pillugu inatsisilioqarsinnaanersoq. Tassunga atatillugu Nunatsinni pissartanngunniunnermi angalanerit eqqarsaatigineqarput.	Siunnersuummut allannguuteqartitsinngilaq.  Tamanna pillugu inatsisilioqarnissaa tulluartut isigineqanngilaq. Immikkoortumi kommunit tapiissuteqarnerinik pingaarnersiuneq kommunit namminersortuunerinut ilaavoq.  Tusarniaanermi akissut 10.1-imi oqaaseqarnermut innersuussisoqarpoq.
12.12	Kalaallit Nunaanni Timersoqatigiit Kattuffiat (GIF)	§ 20, imm. 3-mut, GIF aperivoq niuernermik ilinniarmimmi ilinniartoq VM-imi assigisaaniluunniit atuarnernut akornusiinngitsumik peqataasinnaanernut sutigut periarfissaqarnermoq.	Siunnersuummut allannguuteqartitsinngilaq.  Tassani apeqqut pineqarpoq atuarfiup pineqartup, peqataasup aamma timersornermi kattuffiit akornanni aalajangersimasumik isumaqatigiissutaasariaqartoq.  Aalajangersakkami pineqarpoq timersornermi piginnaasallit aamma timersortartut pikkorivissut timersornermik ingerlataqarnerisa peqatigisaanik ilinniartitaanerat pillugu ESG-p aamma Naalakkersuisut akornanni suleqatigiinneq.
12.13	Kalaallit Nunaanni Timersoqatigiit Kattuffiat (GIF)	§ 21, imm. 4-mut tunngatillugu  GIF aperivoq nakorsaaitit pissasaatigut atorneqartarnerinik nakkutilliinerup isumagineqarnera pillugu Peqqinnissaqarfik	Siunnersuummut allannguuteqartitsinngilaq.  Tamatuminnga ammaasoqarnissaa naleqquttutut isigineqanngilaq, tassa immikkoortumi suliatigut immikkut ilisimasaqartunik nakkutilliisoqarnissaa

		suleqatigineqarsinnaanersoq.	pisariaqartutut isigineqarmat. Tamatumali pinngitsoortinngilaa nakkutilliinerup ingerlanneqarnerata ilaa pillugu Peqqinnissaqarfimmik suleqatiginnittoqarsinnaanera, tassunga ilanngullugit laboratoriami misissuinerit pillugit.
12.14	Kalaallit Nunaanni Timersoqatigiit Kattuffiat (GIF)	§ 22, imm. 5-mut tunngatillugu, GIF aperivoq Kalaallit Nunaanni Timersoqatigiit Kattuffiat ataatsimiititaliamit atorneqarsinnaasumik allattoqarnikkut ikiuissasoq pillugu aalajangersagaq tassaannersoq suliassaq immikkut peqqussutigineqartoq.	Siunnersuummut allannguuteqartitsinngilaq.  Soorlu aalajangersakkamut nassuiaatini allanneqartoq ullumikkut GIF allattoqarfimmik isumaginnittuvoq, naliliisoqarlunilu suliassap isumaginissaanut GIF angissutsimigut sulisoqarnermigullu piareersimasoq.
12.15	Kalaallit Nunaanni Timersoqatigiit Kattuffiat (GIF)	§ 23-mut tunngatillugu, GIF allappoq kissaatigineqartoq Nakorsaatit Pissasaatit Atorneqartarnerinut Kalaallit Nunaanni Akiuisut namminerisaminik inatsiseqalissasoq.  Tassunga atatillugu apeqqutigineqarpoq timersorneq pillugu inatsimmi Nakorsaatit Pissasaatit Atorneqartarnerinut Kalaallit Nunaanni Akiuisut allassimatillugit taava timersortut kisimik taassuminnga malinnissanersut.  Ingerlaqqilluni allanneqarpoq inatsisip atuutilernissaa sioqqullugu WADAp inatsisai Kalaallit Nunaanni atortussanngortinneqassasut.	Siunnersuummut allannguuteqartitsinngilaq.  Nakorsaatit pissasaatit atorneqartarnerinik akiuinermi maleruagassat namminerisaminnik inatsiseqalernissaat tulluartutut isigineqanngilaq, tassa nakorsaatit pissasaatit atorneqartarnerinik akiuineq pingaaruteqarmat aamma timersornermi malittarisassaqartitsinermut ilaasutut isigineqarmat.  Inatsimmi nakorsaatit pissasaatit atorneqartarnerinik akiuineq pillugu maleruagassat timersornermuinnaq tunngasuunngillat kisianni aamma timigissarnermut tunngasuullutik, tamannalu §§§ 4, 21 aamma 23-mit takuneqarsinnaalluni.  WADA-mi inatsisunik akuersineq timersornermi timigissarnermilu nakorsaatit pissasaatit atorneqartarnerinik akiuineq

			<p>pillugu pitsaaliuineq pillugu maleruagassat nunami aalajangersarnissaannut tunngaviunngitsut. Tassaniippoq Nakorsaatit Pissasaatit Atorneqartarnerinut Kalaallit Nunaanni Akiuisut nuna tamakkerlugu nakorsaatit pissasaatit atorneqartarnerinik akiuineq pillugu maleruagassanik aalajangersaassasut aamma nakorsaatit pissasaatit atorneqartarnerinik akiuinnermi nunani tamalaani suleqatigiinnermi peqataassasoq. Pissusissamisuuksaaq maleruagassanik taakkuninnga aalajangersaanermi nunani tamalaani maleruagassat atuuttut aallaavigineqarpata, aamma naliliisoqarluni isumaqatigiissutinik aamma nunani tamalani maleruagassanik Kalaallit Nunaat suut tunngavigalugit akuersissanersoq.</p>
12.16	Kalaallit Nunaanni Timersoqatigiit Kattuffiat (GIF)	<p>§ 25, imm. 1-mut tunngatillugu, GIF aperivoq nakorsaatit pissasaatit atorneqarsimanerinik pineqaatissinneqarsimasut inuit elektronikikkut nalunaarsornissai qanoq akeqarnersoq.</p>	<p>Siunnersuummut allannguuteqartitsinngilaq.</p> <p>Naalakkersuisut aamma GIF-ip akornanni angusassat pillugit isumaqatigiissuteqarnermut atatillugu nalunaarsuiffiup ingerlanneqarneranut atasut aningaasartuutit sillimaffigineqassasut. Nalunaarsorneqartut qularnangitsumik ikitsuinnaanissaat eqqarsaatigalugu aningaasartuutit qaffasissuunissaat naatsorsuutigineqanngilaq.</p>
12.17	Kalaallit Nunaanni Timersoqatigiit Kattuffiat (GIF)	<p>§ 26, imm. 7-mut tunngatillugu, GIF aperivoq elektronikikkut nalunaarsuiffik ataatsimiititaliamut Naalakkersuisunit atugassannagortinneqassanersoq.</p>	<p>Siunnersuummut allannguuteqartitsinngilaq.</p> <p>Nakorsaatit Pissasaatit Atorneqartarnerinut Kalaallit Nunaanni Akiuisut elektronikikkut nalunaarsuiffimmik ingerlatsissasut</p>

			peqquneqanngillat.
12.18	Kalaallit Nunaanni Timersoqatigiit Kattuffiat (GIF)	§ 29-mut tunngatillugu, GIF aperivoq aalajangersagaq misiliilluni tiguisarnertut paasineqassanersoq	Siunnersuummut allannguuteqartitsinngilaq.  Aalajangersakkami misiliilluni tigusineq pineqarnersoq isummerfigineqanngilaq, kisiannili aningaasaliissutit atorneqarneri pillugit uppernarsaammik qinnuteqarnermi misiliillu tigusinertut aamma aningaasaliissutinik atornearluisoqarneranik pasitsaassinerup malitsigisaanik pisinnaalluni.
12.19	Kalaallit Nunaanni Timersoqatigiit Kattuffiat (GIF)	§ 35, imm. 5-mut tunngatillugu, GIF aperivoq meeqqanik innarliisimannginnermik uppernarsaammik pissarsinianginnermi pineqaatissiinissamut sunik periarfissaqarnerasoq.	Siunnersuummut allannguuteqartitsinngilaq  Tamanna meeqqanik innarliisimannginnermik uppernarsaammik pissarsiniarnermut tunngatillugu inatsisini malittarisassaqaartinneqartoq, tassa Meeqqanik pinerliisimannginnermut uppernarsaatinik piumasaaqateqartussaataaneq pillugu Inatsisartut inatsisaat nr. 8, 19. maj 2010-meersoq Inatsisartut inatsisaatigut nr. 7, 3. juni 2015-meersukkut allanngortinneqartoq.
12.20	Kalaallit Nunaanni Timersoqatigiit Kattuffiat (GIF)	Kissaatigineqarpoq ”Kalaallit Nunaanni Timersoqatigiit-Kattuffiat” imatut allanngortinneqassasoq ”Kalaallit Nunaanni Timersoqatigiit Kattuffiat”.	Allannguut siunnersuummut ilanngunneqarpoq.  Taaguut ”Kalaallit Nunaanni Timersoqatigiit-Kattuffiat” atorneqarsimavoq, tassa taanna GIF-ip nammineq malittarisassaani atorneqarmat.